

Pou lapéti lajan bannann

Dépi an tan nanni nannan
pou yo lajan sé bon nannan
an sel larel toulong yo ni
sé anni pran neg pou zouti

Pou lapéti lajan bannann
sé misié-a pa lé sispann
vwéyé monté élikoptè
wouzé lanmò asou latè

Anba kalté lapli-tala
mouch-an-miel ka tonbé léta
nan kò nan dlo andidan tè
sé an sel lablanni kansè

Pou lapéti lajan bannann
sé misié-a pa lé sispann
vwéyé monté élikoptè
wouzé lanmò asou latè

Pannan tan-an yo ka simen
anlo pawol toufé-yenyen
épi aladous anba fey
wopso flap ! ou wè'y ou pa wè'y

Pou lapéti lajan bannann
sé misié-a pa lé sispann
vwéyé monté élikoptè
wouzé lanmò asou latè

Fidji yo tout ka pòté mas
mé dèyè mas sé lagrimas
yo lé kontel an tan lontan
pran nou pou an bann bélévan

Annou sispann palé palé
palé palé épi palé
lè-a rivé lè-a rivé
ansanm ansanm annou lévé !